

«03» հուլիսի 2025 թ.

ք.Երևան

Պետական գույքի կառավարման կոմիտեն¹ (այսուհետ՝ համապատասխան մարմին կամ Կոմիտե), ՀՀ ք.Երևան, Տիգրան Մեծի 4) ի դեմս **Գլխավոր քարտուղար Մարո Գեղամի Մարգարյանի**, որը գործում է կանոնադրության հիման վրա մի կողմից, և քաղաքացի՝ ՀՀ ք.Երևան, Դրոյի փողոց, 26 շ., 12 բն. հասցեի բնակիչ **Աշոտ Հրաչիկի Գրիգորյանը** (այսուհետ՝ փորձագետ), (անձնագիր՝ AT0239365, տրված 007-ի կողմից, 31.07.2019 թ., հանրային ծառայությունների համարանիշ՝ 1701900823) մյուս կողմից, կնքեցին սույն պայմանագիրը (այսուհետ՝ Պայմանագիր) հետևյալի մասին՝

1. ՊԱՅՄԱՆԱԳՐԻ ԱՌԱՐԿԱՆ

1.1. Համապատասխան մարմինը փորձագետին հանձնարարում է իրականացնել որոշակի աշխատանքներ, որոնց նկարագրությունը նշված է Պայմանագրի 1.3-րդ կետում և պարտավորվում է վճարել նրա կատարած աշխատանքի համար, իսկ փորձագետը պարտավորվում է կատարել հանձնարարված աշխատանքները Պայմանագրով սահմանված պայմաններով:

1.2. Փորձագետն անմիջականորեն ենթարկվում է Կոմիտեի քարտուղարության արտաքին կապերի և ինֆորմատիկայի բաժնի պետին: Աշխատանքների կատարման վայրն է՝ Կոմիտեի գտնվելու վայրը (ք.Երևան, Տիգրան Մեծի 4):

1.3. Պայմանագրով փորձագետին առաջադրվող աշխատանքը ներառում է՝

1.3.1. Կոմիտեի էլեկտրոնային աճուրդի պաշտոնական կայքի (e-auctions.am) (այսուհետ՝ Կայքի) HTML5, CSS3-ի միջոցով ինտերֆեյսների դասավորություն (верстка) և օպտիմալացում:

1.3.2. ադապտիվ և խաչաձև բրաուզերների լուծումների մշակում՝ ապահովում կայքերի և հավելվածների ճիշտ աշխատանքը տարբեր սարքերում և զննարկիչներում:

1.3.3. էջերի օպտիմալացում՝ բեռնման արագությունը բարելավելու համար:

1.3.4. ծրագրային փաթեթի ֆունկցիոնալի սպասարկում (front end), անխափան հասանելիության ապահովում:

1.3.5. Կայքի դիզայնի արդիականացում, անհրաժեշտության դեպքում՝ փոփոխություն:

1.3.6. տրվող լուծումների ու տեխնոլոգիաների արդիականացման ապահովում:

- 1.3.7. Կայքի FrontEnd միջավայրի աշխատանքի ընթացիկ խափանումների վերաբերյալ մեկ ժամվա ընթացքում արձագանքում.
- 1.3.8. Կայքի FrontEnd միջավայրի աշխատանքի ընթացիկ խափանումների, թերությունների և բացթողումների շտկում.
- 1.3.9. Կայքի սպասարկման ժամանակ հայտնաբերված սխալների ուղղում.
- 1.3.10. Կայքի կառուցվածքային և արտաքին տեսքի փոփոխություններ, ինչպես նաև բաժինների ծրագրային թարմացում.
- 1.3.11. Կայքի հետ աշխատող Կոմիտեի անձնակազմի տեխնիկական աջակցության իրականացում.
- 1.3.12. Կայքում ներդրված էլեկտրոնային ծառայությունների աշխատանքի ընթացքում հայտնաբերված թերությունների, ինչպես նաև սխալների վերացում.
- 1.3.13. արձանագրված և/կամ փորձագետի կողմից հայտնաբերված և հրատապ լուծում պահանջող գործընթացի իրականացում, այդ թվում՝ ծրագրային ապահովման կարգաբերում, վնասված հատվածների կամ ամբողջականության վերականգնում.
- 1.3.14. անավարտ կամ թերի իրագործված հատվածների դուրս բերում.
- 1.3.15. Կայքի ծրագրային ապահովման ընթացիկ լրամշակում, կառուցվածքային կատարելագործում և փոփոխություն.
- 1.3.16. Կայքի նոր գործողություններ կատարելու անհրաժեշտությունից բխող դրա ծրագրային ապահովման մեջ փոփոխությունների կատարում.
- 1.3.17. Կայքի ֆունկցիոնալի վերափոխումների ու լրացումների իրականացում.
- 1.3.18. Կայքի անխափան աշխատանքի համար անհրաժեշտ բոլոր ընթացիկ թարմացումների և նորացումների տեղադրում. անհրաժեշտության դեպքում՝ տվյալների տեսակներին համապատասխան Կայքի տվյալների շտեմարանների կառուցվածքներում փոփոխությունների և (կամ) լրացումների կատարում.
- 1.3.19. Կայքի ծրագրային ապահովման մեջ յուրաքանչյուր լրամշակում, կառուցվածքային կատարելագործում և փոփոխություն, այդ թվում՝ դրանց խմբերը, կատարելու ավարտի Կայքի ամբողջական փորձարկում.
- 1.3.20. Կոմիտեի անձնակազմին տեխնիկական աջակցության ապահովում, ինչպես նաև Կայքից օգտվող պետական մարմինների ու կազմակերպությունների աշխատակիցների՝ կայքից գրագետ օգտվելու պահանջների ու պայմանների տեսական ու գործնական ուսուցում.
- 1.3.21. քարտուղարության կանոնադրական խնդիրներից բխող այլ գործառույթների իրականացում:
- 1.4. Փորձագետը պարտավոր է ապահովել Կայքի ու դրա աշխատանքի վերաբերյալ իրեն հայտնի տեղեկատվության գաղտնիությունը:

1.5. Փորձագետը հանդիսանում է Կայքի ադմինիստրատոր, իրականացում է Կայքի վերահսկումը, ապահովում է դրա անվտանգ աշխատանքը և պատասխանատու է Կայքի անխափան ու անթերի շահագործման համար:

1.6. Կատարված աշխատանքի արդյունքը գնահատվում է դրական կամ բացասական:

1.7. Փորձագետի համար Պայմանագրով նախատեսված աշխատանքը համարվում է համատեղությամբ աշխատանք:

2. ԿՈՂՄԵՐԻ ԻՐԱՎՈՒՆՔՆԵՐՆ ՈՒ ՊԱՐՏԱԿԱՆՈՒԹՅՈՒՆՆԵՐԸ

2.1. Փորձագետը պարտավորվում է՝

2.1.2. Բարեխղճորեն կատարել Պայմանագրով ստանձնած աշխատանքները:

2.1.3. Պահպանել համապատասխան մարմնում սահմանված ներքին կարգապահական կանոնները, աշխատանքային կարգապահությունը:

2.1.4. Պահպանել աշխատանքի պաշտպանության և անվտանգության ապահովման միջոցները:

2.1.5. Իրականացնել աշխատանքային օրենսդրությամբ, «Հանրային ծառայության մասին» օրենքով և Պայմանագրով իրեն վերապահված այլ պարտականությունները:

2.2. Փորձագետն իրավունք ունի՝

2.2.1. Պայմանագրի 4-րդ կետի համաձայն ստանալու վարձատրություն:

2.2.2. Պահանջելու համապատասխան մարմնից ապահովել Հայաստանի Հանրապետության օրենսդրությամբ սահմանված իր հանգստի իրավունքը:

2.2.3. Իրականացնելու Հայաստանի Հանրապետության օրենսդրությամբ և Պայմանագրով իրեն վերապահված այլ իրավունքներ:

2.3. Համապատասխան մարմինը պարտավորվում է՝

2.3.1. Պայմանագրի 4-րդ կետի համաձայն վճարել փորձագետի աշխատավարձը:

2.3.2. Սահմանված կարգով փորձագետին տրամադրել ամենամյա և նպատակային արձակուրդ:

2.3.3. Ապահովել անվտանգ և առողջության համար անվնաս աշխատանքային պայմաններ:

2.3.4. Փորձագետին ծանոթացնել կազմակերպությունում գործող ներքին կարգապահական կանոններին, աշխատանքի պաշտպանության և հակահրդեհային անվտանգության ապահովման պահանջներին:

2.3.5. Ժամանակին ապահովել փորձագետին անհրաժեշտ նյութատեխնիկական միջոցներով:

2.3.6. Փորձագետի անձնական տվյալները մշակելիս պահպանել Հայաստանի Հանրապետության օրենսդրությամբ նախատեսված պահանջները:

2.3.7. Իրականացնել աշխատանքային օրենսդրությամբ և Պայմանագրով իրեն վերապահված այլ պարտականություններ:

2.4. Համապատասխան մարմինն իրավունք ունի՝

2.4.1. Ցանկացած պահին ստուգելու փորձագետին հանձնարարված աշխատանքների կատարման ընթացքը:

2.4.2. Փորձագետին ներգրավելու արտաժամյա աշխատանքների, որի տևողությունն իրար հաջորդող երկու օրերի ընթացքում չի կարող անցնել 4 ժամը:

2.4.3. Իրականացնելու աշխատանքային օրենսդրությամբ և Պայմանագրով իրեն վերապահված այլ իրավունքներ:

3. ԱՇԽԱՏԱՆՔԻ ՌԵԺԻՄԸ ԵՎ ՏԵՎՈՂՈՒԹՅՈՒՆԸ, ԱՐՁԱԿՈՒՐԴԸ

3.1. Փորձագետի համար սահմանվում է 3-ժամյա աշխատանքային օր: Աշխատանքային օրվա սկիզբը սահմանվում է ժամը 9:00, ավարտը՝ ժամը 12:00: Աշխատանքը կատարվում է համատեղությամբ:

3.2. Փորձագետին Հայաստանի Հանրապետության օրենսդրությամբ սահմանված կարգով տրամադրվում է ամենամյա նվազագույն արձակուրդ՝ 20 աշխատանքային օր տևողությամբ, ամենամյա վճարովի արձակուրդը տրամադրվում է հիմնական աշխատավայրում տրամադրվող ամենամյա արձակուրդի հետ միաժամանակ:

4. ՎԱՐՁԱՏՐՈՒԹՅՈՒՆԸ

4.1. Պայմանագրով նախատեսված աշխատանքների իրականացման համար համապատասխան մարմինը փորձագետին յուրաքանչյուր ամիս վճարում է հիմնական աշխատավարձ
ՀՀ
դրամ (3-ժամյա աշխատանքային օրվա համար):

4.2. Փորձագետին արտաժամյա, գիշերային, հանգստյան և ոչ աշխատանքային՝ տոնական և հիշատակի օրերին աշխատանքների ներգրավելու դեպքում վարձատրությունը սահմանվում է Հայաստանի Հանրապետության աշխատանքային օրենսգրքով սահմանված նվազագույն չափերով:

5. ՊԱՅՄԱՆԱԳՐԻ ՓՈՓՈԽՈՒՄԸ, ԼՈՒԾՈՒՄԸ ԵՎ ԴԱԴԱՐՈՒՄԸ

5.1. Պայմանագիրը կարող է փոփոխվել և լրացվել միայն կողմերի փոխադարձ համաձայնությամբ՝ բացառությամբ աշխատանքային օրենսգրքով նախատեսված դեպքերի: Պայմանագրի փոփոխությունները և լրացումները կատարվում են լրացուցիչ համաձայնագրերով, որոնք կհանդիսանան Պայմանագրի անբաժան մասը:

5.2. Պայմանագիրը լուծվում է աշխատանքային օրենսդրությամբ նախատեսված կարգով և դեպքերում, ինչպես նաև առանձին խնդիրների իրականացման համար պետական մարմինների կողմից փորձագետի ներգրավման կարգի խախտմամբ կնքված լինելու դեպքերում:

6. ՊԱՅՄԱՆԱԳՐԻ ԳՈՐԾՈՂՈՒԹՅԱՆ ԺԱՄԿԵՏՆԵՐԸ

6.1. Պայմանագիրն ուժի մեջ է մտնում 2025 թվականի հուլիսի 4-ից և գործում է մինչև 2026 թվականի փետրվարի 4-ը:

7. ԵԶՐԱՓԱԿԻՉ ԴՐՈՒՅԹՆԵՐ

7.1. Պայմանագրով չկարգավորված բոլոր հարցերը ենթակա են կարգավորման Հայաստանի Հանրապետության օրենսդրությամբ սահմանված կարգով:

7.2. Պայմանագրով չնախատեսված դեպքերում կողմերն իրենց պարտավորությունների չկատարման, կամ ոչ պատշաճ կատարման համար պատասխանատվության են ենթարկվում Հայաստանի Հանրապետության օրենսդրությամբ սահմանված կարգով:

7.3. Պայմանագիրը կազմված է երկու օրինակից, որոնք ունեն հավասար իրավաբանական ուժ, յուրաքանչյուր կողմին տրվում է մեկական օրինակ:

Կոմիտեի գլխավոր քարտուղար

Մարո Մարգարյան

(ստորագրությունը)

Կ.Տ.

Փորձագետ

Աշոտ Գրիգորյան

(ստորագրությունը)